

dimidio sunt sitæ. Tripolis, vero Africana in grado XXXVIII. Syriaca in gradu XVIII. Quis item ferat duos illos Mediterranei quos recensuit fluxus, ab alterum ab ortu, occasu alterum, in concursu, facere aquarum cumulum ad Lunæ perpendiculum. Id si verum esset, in medio utriusque itinere, circa Melitam et Siciliam is fieret camulus, et eum nautarum nemo umquam vidit, authorum nemo scripsit. At quo modo a Syria sex tantum horis MCCCC militaria ad Melitam usque decurrat mare? totdemque retro recurrit. Idemque faciat is, qui ab Herculeo freto, a Luna, ut loquitur, avehitur fluxus. Hæc enim distantia, MCCCC Pass. M. in sex horas distributa, cuilibet horæ, CCXXXIII assignata forent decurrentia. At et qua acutie dictum est? Hunc aquarum cumulum, ad lunæ fieri perpendiculum? Mediterraneum namque totum, circa Cancri tropicum plusquam gradibus XI iacet. Luna autem, eius tropici limitem, excedit numquam. Sed non minus acuta philosophatur, cum scribit. Suam ducem Lunam, suosque amores, secutus Oceanus decurrit. Et quandiu obex nullus est, sequitur. Ubi retunditur obiectu littorum, cogitur inde regredi. Flectitur autem maxime, ab eo littore quod pene orbem secat, a terra deductum Laboratoris, ad fretum usque Magellanicum. Henc sententiam nos ita perpendimus. Aqua a Lusitana ora, a sua duce Luna fluxum ad littora novi orbis horis sex decurrit. Post quas ab eis reflexa, aliis sex horis cogitur in Lusitaniam regredi. At spacium hoc, millium est quater millium ducentorum. Qualibet ergo hora aqua illa currens atque recurrens. M. Pass. conficiet DCC. Quæ ridenda, et deridenda vetus hic irrigor, in suis labyrinthis consarcinavit, quis ei amplius fidem præstet, in causis affluxus et refluxus assignandis? Sed et illud non minus irridendum, dum asserit, Africana littora nostris esse depressiora. Cur enim ab Italiae tota ad meridiem ora, a Galliae, et a parte Hispaniae, mare Tyrrhenum, Gallicumque illuc non confluit, nostraque littora non denudat? Quamvis etiam ab eo credantur profundissima. Sed has insanias (ita ipse hic irrigor loquitur) missas faciamus.

Borrus porro, Maris fluxum, Luna ortum sequi ait, usque ad semicœlum. Inde vero ea ad occasum tendente, mari refluere. Sed cur sub horizonte eodem ordine fluxus fiat, causam refert in cœli partem, lunæ oppositam. Quæ cum nullo Lunæ tangatur lumine, eadem tamen cum Luna marium movendorum vim habere asserit. Id vero minime omnium est probabile. Nam si Lunæ id munus proprium esse docuit, qua ratione, rem a Luna longe diversam, et pene contrariam, et cum ea habentem commune nihil, et ab ea loco distantem longissime, easdem cum ea vires habere potest asserere? Sed et nullus est in cœlo locus, qui secundum Lunæ cursum, non sit aliquando Lunæ oppositus. Totum ergo cœlum easdem cum Luna habebit vires? Telesius vir ingens, qui proprii viribus ingenii novam cudere est ausus philosophiam, quem ea de re, nos maxime admiramus, quæstionem etiam hanc, omnium optime videtur persecutus. Mare inquit sui natura calidum, primum est in motum, quo et servetur, et obiectetur. Et quo Solis actionem fugiat, ne ab eo iusto plus solvatur in vapores. Pars prior verissima est. Secunda hæc non placet. Cur enim omnia maria, ea fuga non carent? Cur aquæ dulces nullæ? Cum et tenuiores sint, et soluti faciliores. Sed et causa hæc communis motibus maris omnibus est. Fluxus vero et refluxus propriam dicit esse, quia Sol in mari ingeneret vapores, qui egressum molientes, a mari superposito prohibiti, ipsum attollunt, et agitant. Idque vere et Autumno maxime. Quia medius Sol, plurimos crassioresque educit vapores. Sed causam reddat, cur in Aremoricis, et Belgicis, quæ a medio Sole longe distant, par æstus fit, ac in Taprobana, quæ equinoctiali et medio Soli est subiecta? Et cur ibi tam magnus, ad S. vero Thomæ insulam, quæ eidem æquinoctiali subiacet, non maior fit quam Venetiis? Aestate inquit, minor fit, quia Sol tenuissimos vapores gignit qui facile elabuntur, et ipsum non attollunt. At et æstate, æstus hic æque attollitur, atque alias. Hieme item, inquit minus, quia Sol languidissimus perpaucos ingeneret, qui sint mare attollere impotentes. At et hoc falsum est, hieme æqualem aliis temporibus, æstum non fieri.

In Pleniluniis, inquit, maior, quia multa a Luna resiliens lux, multos educit vapores. At quæ nam Lunæ lux resilit, in nostra maria, cum Luna est apud antipodas? In noviluniis, ait, quia refrigerato ære, internus maris calor, se se colligens, valentior factus, plures facit